



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Mvndvs Et Mvndi Partes, Divinæ Bonitatis Ac Ivstitiæ  
Præcones**

**Stengel, Georg**

**Ingolstadt, 1645**

§. 10. Arbori vitae naturalem vim fuisse conseruandi hominis.

[urn:nbn:de:hbz:466:1-52365](#)

coniuncto sunt accipienda; hoc est, non de omni herba & ligno absolute, sed de omni planta ferente fructus ad edendum opportunos. Constat profectò, aliquot esse plantarum seu lignorum genera, quæ non sunt pulchra visu, & tamen fructus admodum suaves pariunt, ut vitis, cuius lignum ad nihil valet, nisi ad ignem nutriendum. Ut ergo Paradisus palatum oblectaret, arbores habuit pomis alijsq; fructibus onustas; ut ecclis afferret plenam voluptatem, platas exhibuit sola florum, foliorumque venustrate blandientes.

## §. X.

*Arbori vita naturalem vim fuisse conservandi hominis.*

Ante omnes tamen arbores vnica erat omnium nobilissima; atq; ea propter, tanquam cor, aut centrum, in medio Paradisi collocata, longè vtiq; & natura, & effectu, ab his mortalibus nostris plantis diuersa. Siquidem illa *arbor vita* appellata est, non quod ab extrinseco, & supernaturali quodam munere Dei (ut nonnulli arbitrati sunt) vim habuerit hominis ab interitu preservandi; sed id ei, ex vi propriæ naturæ eidem diuinitus inditæ, competebat, ut quicunque

cunque ex ea vescerentur, quasi nectare,  
quodam aut ambrosia Deorum ( vt postea  
ex hac vera historia Poëtæ fabulati sunt )  
vitam propagarent. Cuius rei argumentū  
est, quod etiam Adamū peccato iam mor-  
tem commeritum, eiusdem ligni vis & be-  
neficium, à morte præseruare potuisset, nisi  
Deus eum, adhibita Angeli custodia, dein-  
ceps de ligno vitæ sumere prohibuisset. Si  
igitur ponimus, hanc arbori huic virtutē  
fuisse naturalem, perspicuum est, eam ar-  
borem, ab omnibus his arborum generib⁹  
fuisse diuersissimam, quippe nulla eiusce-  
modi vi pollet, juxta vulgatum illud :

*Contra vim mortis, non est medicamen in  
hortis.*

Laudatissima herbarum est, Homero teste,  
quam vocari ab dijs putant *moly*, & quam Plin. l. 25.  
contra summa beneficia valere credide- cap. 4.  
runt. Sed ea vel fabulosa fuit, vel contra  
vnum alterūmue veneni genus duntaxat,  
potuit adhiberi; mortem tamen pellere, ac  
vitam non potuit æternare; sicut potuit  
*arbor vitæ*; vt probabilius S. Augustinus & S. Augu-  
Chrysostomus docuerunt; tametsi præ- stin. li. 13.  
clari Doctores, & ipse D. Thomas existi- de ciuit.  
mārint, arbori illi vim infuisse, ad longum S. Chrys.  
dunta- cap. 20.

hom. 18. duntaxat tempus, nō autem perpetuō ho-  
 in Genes. minem à morte naturali conseruaturam.  
 S. Thom. Sed SS. Patrum sententia diuinis litteris  
 1. p. q. 97.  
 3. 4. Scot. magis consonat, quæ clarè ita loquuntur;  
 in 2. sent. immo, in ijs, De vs: Ecce Adam, quasi unus  
 dicit. 19. ex nobis factus est, sciens bonum & malum:  
 q. 1. Gen. nunc ergo, ne forte mittat manum suam, &  
 3. 22. sumat etiam de ligno vite, & comedat, & vi-  
 vat in aeternum. Et emisit eum Dominus Deus  
 de Paradiſo voluptatis, ut operaretur terram,  
 de qua sumptus est. Eiecitque Adam: & collo-  
 cauit ante Paradiſum voluptatis Cherubim,  
 & flammœum gladium atque versatilem, ad  
 custodiendam viam ligni. Quid opus fuisset  
 hac custodia, si ligno illi, post peccatum  
 protoplastæ, vis pristina amplius, & qui-  
 dem perpetuō conseruandæ vitæ non in-  
 fuisset? quam apertè dicitur? ne forte mit-  
 tat manum suam, & sumat de ligno vite, &  
 comedat, & VIVAT IN AETERNVM. Certè,  
 si virtute naturali fructus huius ligni, po-  
 tuit refouere calorem naturalem, ac hu-  
 midum radicale, ea perfectione, quæ in  
 virilis ætatis statu esse solet, restaurare; co-  
 ficitur, quotiescumque Adam fructu illo  
 usus esset, corpus eius semper resuscitare,  
 atque ita eum aeternum sine senio vivere  
 potuisse.

potuisse; vel, si non in peccatum lapsus-  
esset, donec Deo placuisset ipsum ad bea-  
tiorem vitam in cælum transferre.

§. XI.

*In Adamo, duplex Dei similitudo.*

In tali non agro, sed horto, Creator ho-  
minem initio posuit, ubi neque labor, ne-  
que senium, neque morbus, neque mors,  
neq; tedium ullum; sed omnia terræ bo-  
na sponte & abunde proueniebant; ubi  
passim oculis simulq; naribus ad blandie-  
bantur panace, nepenthes, amaracus, am-  
brosia, lotus, rosa, viola, hyacinthus, &  
Elysij campi. Atque in his quidem positi  
deltijs Adam & Eua nequaquam à fletu  
sunt auspicati vitam, sed protinus deco-  
rissimo mundi aspectu exhilarati suam fe-  
licitatem; & in hac ipsa quoque tam beata  
habitatione, quādam Numinis imaginem,  
Numinis, inquam, unde quaq; beati, agno-  
uerunt. Quanquam & alia Numinis ima-  
go homini est impressa, quam S. Bernardus  
etiam atque etiam monet intuendam, dum  
ait: *Intellige dignitatem tuam, nobilis creatu-* S. Ber-  
*ra, quoniam non solum insignita es Dei imagi-* nard. de  
*ne, verū etiam decorata similitudine. Et ite-* interna  
*rum: Quid maius his tibifacere potuit, quam* cap. 67.  
ad